

ընդունելին զի բարձրէ տաճիկ, ալլ ի ճանապարհին հայ մի գտեալ, բերեալ զնա ի մէջ իւրեանց՝ ետուն ի ձեռս նորա զի երթիցէ առաջի նոցա. և բարձեալ էր զնա ի ձողն բարձրացուցեալ, և երթալին զօրքն զկնի և մեծամեծքն ձիով, և այնպիսի բերեալ ի սահմանս էթմէյտանի եւ զձողն տնկեցին ի վերայ ազբիւսի և հանգեան երեկոյիս, անդ օթեալ¹⁾ զգիշերս։ Եւ յամբոխէն ձայն արձակել ետուն թէ ՉՄուրա՛ան վէզիր կամիմք. և ետ թագաւորն մօհրն վէզիրու թեան Մուրատին. և զքէհեապէկու թիւնն՝ Քէչէճիօղլուն՝ ետուն, և զմուֆտիութիւնն՝ Հիւսէմզատէին, և զզափուտանութիւնն՝ Տէլլէք Մուստաֆա փաշային, և զպաշչաւուշութիւնն՝ (պարապ), և զմեծ էֆէնտութիւնն՝ (պարապ). և զհին մուֆտին և զորդին աքսուրեցին։ Եւ որք կային պատուականք վէզիրին, յայնմ օրէ որ ձայնն ել բանին, ամենեքեան փախստեայք եղին։

Դչի օրս (2 Մայիս) դեռ ևս զինուք ի շուրջ գային և բազում չարութիւնս գործեցին յամենայն տեղիս, ոմանց զվերարկուս առնելով և ոմանց զքսակն և ոմանց զգլխոյ գօտին, զի և մեք ոչ կարացաք նստել ի խանութ յաւուրս յայտասիկ՝ ոչ հայ և ոչ տաճիկ։

Ապա օրս Եչիս (3 Մայիս) բացին զխանութս եւ զպէգէստանս. և օրս ի Ղալաթա ձէպէճի պաշուսն տունն կոխեցին գունդ մի ի զօրացն գումարելոց։

Կիրակի Զ-ի. Սուրբ Նիկողայոսու Տէր Նիկողոսն վաղջանեցաւ, և օրս Ոհան եպիսկոպոսն եկն յէտրէնու։

Դչի օրս (8 Մայիս) Շէխ Վէլի էֆէնտին սատակաւ և մին պատճառն սա էր սպանման Իփշիրին։

ԺԳ-իս Կիրակի. Երեման Սուրբ Խաչ։ Օրս ելեալ զնացի մօտ առ Առաջնորդն ի Պէչիքտաշն և իշխանքն

1) օղեալ.